

清光緒朝中日交涉史料

卷八七之卷八八

光緒卅年至
卅一年東事發電檔

清光緒朝中日交涉史料卷八七 東事發電檔

(七四四五)發北洋大臣電 光緒二十九年十二月三十日

卅電悉條規今日通行郵遞恐遲尊處先行通電刊發蓋籌甚爲周備並希轉電南洋一律通飭遵守外務部卅

(七四四六)發海參崴商務委員電 光緒二十九年十二月三十一日

儉電悉旅崴工商人等既與俄官妥商保護有警北避祇可如此辦理其餘華民能否令其陸續遷避以免事急惶擾仍希隨宜酌籌廿七續電已改發商碼外務部卅

(七四四七)發山東巡撫電 光緒三十年正月初一日

卅電悉局外條規本部於除夕咨行與北洋刊本相同戰國雖照常通商惟局外口岸不得售與糧食煤炭例禁甚嚴旅大現爲戰地務望按例斟酌勿稍遷就至在旅大之中國商民倘查有困難情形應照例設法載渡統希留意外務部東

(七四四八)發盛京將軍電 正月初二日

局外條規本部於除夕咨行貴省不日計可達到嗣後兩戰國如有令地方官幫同辦理一切及給照購買馬匹軍火糧食等項情事應按例聲明均弗允許庶與條規不背務希留意
外務部

(七四四九)發盛京將軍電 正月初四日

冬電悉俄員以中國既守局外鐵路兩旁及駐紮開仗之隊各處六十俄里內不得駐華隊並不得放入可疑之人等情東省兵力單薄與彼逼處亦易肇釁似不妨暫行退紮但不得退至百里之遠應定酌中里數至陵寢宮殿距鐵路甚近不能一律退紮因此係地方官應盡之責專司守護並無他意應與俄員切實議明除陵寢宮殿所在仍應駐兵守護外其餘各處兵隊均按商定里數全行退紮俄兵亦不得闖入界內彼此各不相犯至中國兵隊既經退紮所有鐵路電桿勢難照料可疑之人亦無從稽查應聲明以免藉口並聲明戰事定後鐵路兩旁不得援引此次退紮里數統希與俄員堅切商定爲要並電復

（七四五〇）發北洋大臣電

正月初五日

駐俄胡使電稱外部復文我守局外仍須政府地方官不自違背此例又須日本真實認我局外俄自當允認惟滿洲地方自不在此例又面言遼西亦滿洲境難守局外各等語遼西係俄兵照約已退之地彼謂難守局外恐其有意侵軼除電胡使再向俄外部切實辨明外希密爲留意又日本內田使照稱除俄所佔地面外俄國苟能推重中國局外之例日本亦當一律推重等語並聞外務部歌

（七四五一）發駐俄胡大臣電

正月初五日

支電悉雷使照稱中國照局外例辦理惟東三省情形不能於亂前預定守護陵寢宮殿俄爲設法本部復以中國宗旨前照已預爲聲明守護陵寢宮殿爲應盡之責即飭該省原有之兵隊駐守不另派兵並達阿大臣約束兵隊勿擾地方等語希照此向外部切實申說至遼西係照約已退兵之地應守局外此外滿洲地方雖不能實行此例地方官亦應照例中立均望辨明爲要又日本使照稱除俄所佔地面外俄國苟能推重中國局外之例日本亦當一律推重等語是俄兵不至遼西日兵當必不往並聞外務部歌

(七四五二)發海參崴商務委員電 正月初五日

俄日失和旅崴華民應設法保護本部已兩次電復並照會俄使頃該使復稱阿大臣已飭各該官員將在所轄各地旅住各國官民之身命財產盡力保護與平時無異等語希查照並隨時與俄員妥商辦理外務部歌

(七四五三)發南洋大臣電 正月初六日
江海關道電

滬道歌電 悉 本部魚電計達應即照辦查該道去臘豔電內稱俄兵輪滿洲泊浦已久日領歌電 悉

意在禁其接濟並不限令出口等情前俄使來照亦有兵輪滿洲停泊係備總領事所用之語是該俄輪在滬已久與開戰以後到口之船不同應令聲明不預戰事不載軍火煤糧並不干預該口所有往來商船諸事俟兩國戰事結局之後方能駛出如俄船照辦即准在浦停泊江心至日本秋津洲兵船近日進口自應按照局外條規辦理希飭該道即向日俄兩

領切實辨論明確取有復文爲據以免日後爭論並速電復外務部麻

(七四五四)發

南洋大臣
上海道電

正月初六日

俄使稱南洲兵輪停泊滬江滬道限二十四點鐘出口係聽信日領之言有違局外公例等語查該輪在滬係備俄領之用不與戰事相涉祇能令其離開碼頭不應限令出口卽希嚴飭滬道查照公例辦理爲要並電復外務部魚

(七四五五)發

南洋大臣
上海道電

正月初七日

兩魚電均悉魚御電均悉滿洲船事頃面商俄使催令出口堅不肯允告以如不退出應照例收軍械彼允電詢阿提督得復告我又商日使俄船如不出口應收軍械並查明在船人數須有強半登岸日使允電詢政府核復並云如俄船延宕恐日艦不能相容各等語希飭滬道先將此情轉告日俄兩領暫勿爭執候兩使復到卽由本部電達其收械應存何處人

數如何稽查安置先由該道與稅司預爲籌商免致臨時匆促外務部陽

(七四五六)發盛京將軍電 正月初八日

魚電悉俄隊強佔各處不聽阻止總以地方官概不預聞爲自守局外地步陵寢宮殿卽飭中國原有兵隊守護已照會俄使聲明應卽相機妥辦俄以奉省爲中權戰事未必波及不作戰地礙難與限本部前電駐俄胡使向外部切商頃准電復外部稱約束兵隊滿洲地方官中立自應照辦至遼西非有意侵越實恐屆時不易繞避未便預定當轉行兵部阿列酌奪等語除遼西情形電知北洋大臣留意外俄外部既允約束兵隊滿洲地方官中立俄兵如有騷擾勒索等事卽可執此辯論統望自持定見隨宜應付外務部庚

(七四五七)發北洋大臣電 正月初八日

頃駐俄胡大臣來電遵歌電向外部聲明據稱約束兵隊滿洲地方官中立自應照辦至遼西難作局外非有意侵越實恐屆時不易繞避未便預定當轉行兵部阿列酌奪等語特聞外務部庚

(七四五八)發駐俄胡大臣電 正月初八日

遇電悉遼河以西日本已允認爲局外俄外部雖稱未便預定但俄如不允日本即可由此進兵希再切商外部務將遼西認定局外以免彼此侵越並電復外務部庚

(七四五九)發駐日本楊大臣電 正月初八日

函悉嗣後密電應仍用洪本專電本部轉送軍議處外務部庚

(七四六〇)發山東巡撫
東海關道電 正月初八日

頃日本使面稱據駐煙台領事電有中國篷船由養馬島及登州等處代俄人攬載糧食運往遼東倘中國地方官不卽嚴禁卽係違礙中立條規等語局外之國不得售與戰國軍火糧食例禁甚嚴本部已電達
尊處
東撫按例辦理毋稍遷就現日使復以爲言務飭東海關道卽

嚴密查禁切勿疎誤外務部庚

(七四六一)發江海關道電 正月初八日

泰西遇有戰事其守局外者皆禁報館妄議前頒中立條規恐各報館肆意評論見疑戰國於時事甚有關係希即會商租界各領事設法預爲禁止外務部庚

(七四六二)發盛京將軍電 正月初九日

初七電悉尊處給俄人護照雖在兩國未戰以前現既聲明局外所有戰事應需各物無論何地照例均不能賣給馬匹實係戰物猶關例禁應由尊處查明護照內所指之地迅即電咨各該處如有俄人持照購買馬匹等項應聲明現已開戰中國按局外例一律禁售並設法將護照收回至來電謂蒙古非戰地各節於條規不免誤會希再詳細參酌毋稍大意其未奉條章以前俄人有逼勒情事既非戰後幫助即不必向各國聲明外務部佳

(七四六三)發北洋大臣電 正月初九日

佳電悉本部昨電胡使以遼河以西日本已允認爲局外俄外部雖稱未能遽定但俄如不

允日本卽可由此進兵希再切商外部將遼西認定局外以免彼此侵越等語所商如何得復再達外務部

(七四六四)發北洋大臣電 正月初十日

頃接駐俄胡大臣電遼西應認局外俄不到日亦不往初七已向切實聲明今准庚電暨慰帥佳電復照敍節略四款一遼西旣照約退兵亦還鐵路如俄不明認局外有違兩約二俄兵可到日兵亦可進愈增枝節三遼西地接榆關所駐聯軍中有日兵恐干戰事四遼河界限天然河西非俄兵必由之路等語並面向逐款辯論伊謂事關軍務除阿列外莫能主持卽兵部亦難擅定所稱各節應由雷使就近與阿列接洽商辦業電雷使云遼西爲形勢所必爭外部堅不受商意尤叵測力爭良久伊不稍動不勝焦憤德青現本部已照商俄使得復再達外務部蒸

(七四六五)發盛京將軍電 正月十一日

佳電悉本月初四電除陵寢宮殿所在仍應駐兵守護外其餘各兵隊不妨暫行退紮但不

得退至百里之遠應與俄員商定酌中里數並應聲明中國兵隊既經退紮所有鐵路電杆勢難照料可疑之人無從稽查等語仍應查照此電與俄員聲明辦理至條規第十八款中國人民仍與戰國通商一節係指尋常貿易而言惟軍械煤糧及軍用各物無論何地一律禁售東省地方官中立由胡大臣商明俄外部已允照辦如俄員要求恫喝可據俄外部言堅持峻拒至俄兵所駐之地與民間私相售買地方官雖力不能阻祇可概不與聞千萬不可幫助切希密飭遵照爲要外務部眞

(七四六六)發北洋大臣電 正月十二日

俄使照稱中俄電報減價一事業於去臘廿四咨達在案現該使又來催問希速酌核電復外務部文

(七四六七)發北洋大臣電 正月十二日

日本內田使照稱據報本月二十四日即華初九日有將白麵九千包欲運往旅順口等情無論華商洋商將糧食或禁貨運往敵地者顯係玩視中立條規亟望迅電北洋大臣飭屬

嚴密防範勿得仍前疏忽倘不設法嚴禁經本大臣查知各情請由貴大臣明白分解等語
希迅飭查明嚴切禁止並電復外務部文

(七四六八)發駐德廕大臣電 正月十三日

陽電悉德皇謂俄日戰事中國應守局外並勸兩戰國允認足徵德皇關切之美意我皇太后皇上實深感謝又德皇三子阿王游歷東亞奉命來京請覲上意甚爲欣悅屆時自當優禮接待希一併告外部轉達德皇並電復外務部元

(七四六九)發南洋大臣電 正月十三日
江海關道

俄兵輪事照商俄使現據覆稱應飭將該船炮身後膛拆卸並收取一切軍器併不干預現在軍事等語希卽與稅司酌定將所收軍器存儲海關至該船兵弁應令登岸在公共租界賃屋居住酌留水手數名看船此層經俄使面允照辦惟不願形諸筆墨應與俄領妥商安置並隨時稽查保護日使亦允俟俄船照辦卽飭秋津洲兵船出口此事俄使必電致俄領

該道務須詳慎商辦以期妥洽辦結後卽電復外務部元

(七四七〇)發

南洋大臣
江海關道電

正月十五日

元電計達俄兵船事項日使已電滬領希卽與俄領商明速辦電達本部照知日使飭日兵輪出口外務部刪

(七四七一)發東海關道何彥昇電

正月十五日

元電悉日本戰散弁兵到煙此事查有兩項辦法一應收其軍器聽局外國約束給以衣食戰畢放還取償一如人數較多局外國收留責任太重應收其軍器令具不再預戰事之供狀方令回國此次日兵曾否收其軍器具有不再預戰供狀如未回國應與日領商定辦法倘已回國亦應查照第二層囑日領將齋藤及各兵姓名開列備文連狀送道存案日本既重我中立總宜按照公例辦理周密免爲他人藉口希向婉切商明並電復外務部咸

(七四七二)發盛京將軍電 正月十六日

俄使照稱俄國政府認爲戰時禁貨分別如下一手執及礮隊各軍器二鐵甲三火器四炸爆各料及器具五礮與工程隊及軍隊中輜重之應用各物六帶刺鐵線七扁艇及浮橋八軍隊備用之物及號衣九駛海船隻若遇挂帶局外商旗前往敵國海口有軍務之意者十船隻各式汽機十一各式鍋鑪十二石煤十三石腦油十四酒精十五電信得律風及鐵路各物料十六糧食飲料十七米石十八馬匹及他項牲口十九海陸各戰應用各物等因俄國所認戰時禁貨大致詳備末條海陸各戰應用各物所包尤廣希通飭遵照如兩戰國有勒派強索情事地方官應執此爲據毋稍遷就並轉吉江兩省外務部銑

(七四七三)發南洋大臣北洋大臣電 正月十六日

俄使照稱俄國政府認爲戰時禁貨分列如下一手執及礮隊各軍器二鐵甲三火器四炸爆各料及器具五礮與工程隊及軍隊中輜重之應用各物六帶刺鐵綫七扁艇及浮橋八軍隊備用之物及號衣九駛海船隻若遇挂帶局外商旗前往敵國海口有軍務之意者十船隻各式汽機十一各式鍋鑪十二石煤十三石腦油十四酒精十五電信得律風及鐵路

各物料十六糧食飲料十七米石十八馬匹及他項牲口十九海路各戰應用各物等因俄國所認戰時禁貨大致詳備末條海陸各戰應用各物所包尤廣希轉電通飭嚴切申禁毋稍疏忽外務部鈐

(七四七四)發盛京將軍電 正月十八日

上年臘月灰電囑程雪樓督護暫緩赴任頃詢俄使云未接阿提回音諒無他說邸意囑雪樓卽赴新任希專弁轉達聯芳巧

(七四七五)發江海關道電 正月十九日

俄使面稱有法國公司船名西德奈代日本運軍火礮位十箱至上海請電滬道查禁等語希知照稅司確查有無其事卽電復外務部效

(七四七六)發上海道電 正月二十日

效電計達俄使照稱法船所運軍火卸到岸上恐有人送給吳淞日本兵船請向法公司收

取該箱蓋用關防由俄領與日領眼同收取俟戰事定後方能交給戰國等語希速查明如有其事卽按照局外之例與兩領妥辦並電復外務部卽

(七四七七)發南洋大臣
江海關道電 正月二十日

滬道巧電悉頃商日使俄兵船果能將礮後膛槍枝子藥並行船要緊機器拆卸令該船不能行動卽可照辦弁兵在船亦無妨礙已電日領查照希與稅司俄領速辦以便日兵輪早日出口並電復外務部卽

(七四七八)發伊犁將軍電 正月二十一日

奉旨馬亮電奏悉所請著毋庸議該將軍惟當恪遵前旨慎固封守認真保護毋稍疏虞欽此馬

(七四七九)發北洋大臣電 正月二十一日

駐俄胡大臣寄電稱昨晤俄兵部伊稱兵事緊急遼西須派隊遡查不論日兵來否斷難認局外又云俄軍在東省僱車購糧如該處官民稍阻或漏軍情官立即民立即嚴懲斷難認局外與辯伊總不應東省官民與京中不能通真消息事事在彼掌握罹此奇禍實堪痛憤如邊界稍有違言彼必多方要挾現俄先運兵四十萬俟數月到齊冀一戰可捷不輕接仗云乞轉達慰帥本部復以寄電悉俄如派隊至遼西遡查日本藉口進兵俄即多一顧慮本部已照會雷使切言俄當熟思利害允作局外實於大局有益俄外部前允滿洲地方官中立俄軍僱車購糧地方官斷不能預聞如自向商民購辦決不阻止倘或勒派強索短發價值致激事端地方官無力壓制斷難任咎文明大國必能按照公理顧全大局希向外兵部婉切分辯再雷使照稱中國派兵駐紮熱河永平等處人數過多似非嚴守局外等語當復以各該處地段綿長派兵分布須敷防勦鬻匪保護商教之用實係嚴守局外並無他意如外部提及即與切實申說並電復特聞外務部馬

(七四八〇)發駐俄胡大臣電 正月二十一日

寄電悉俄如派隊至遼西遡查日本藉口進兵俄即多一顧慮本部已照會雷使切言俄當